

BIBI FATIMAH ZAHARA (A.S) 7

<"xml encoding="UTF-8?">



(HISTORIA YA MASUMIN (A.S

MA'ASUMAH WA PILI

(BIBI FATIMAH ZAHARA (A.S

Sehemu ya nane

.ELIMU YA FATIMAH ZAHARA as

Na kati ya sifa zingine alizojipamba nazo bibi wa wanawake wa ulimwenguni (a.s) ambazo ni wajibu kwa waislamu waume kwa wake wachukue kigezo kwake (Fatimah), nayo ni elimu... Ambapo alikuwa mjuzi, kwani alikuwa anapata elimu kutoka katika mji wa elimu naye ni Mtume .(saww na kutoka katika mlango wa mji wa elimu naye ni Ally bin Abi Twalib (a.s

:Pale Mtukufu Mtume saww aliposema

أنا مدينة العلم وعلي بابها فمن أراد المدينة فليأت الباب

Mimi ni mji wa elimu na Ally ni mlango wake anayetaka elimu basi aiendee kupitia katika .mlango wake

.(Fatimah alichukua elimu kupitia mlango alioamrisha Mtukufu Mtume (s.a.w.w

Hivyo Fatimah (a.s) anamjua Mwenyezi Mungu na anajua uhakika wa ulimwengu na falsafa ya maisha kama ambavyo kuwa kwake karibu na Msikiti wa Nabii kulimpa fursa ya kufuatilia sheria za Mwenyezi na kusoma aya zake tukufu, hii ni pamoja na kwamba yeye alikuwa na .elimu ya tabia njema

Nafasi yake tukufu na elimu yake nyingi imemuwezesha kulea, kufundisha na kuelekeza wanawake wa ulimwengu katika kila mji na kila zama, hususan wanawake wa ulimwengu wake

ambao walikuwa wakijufunza kwake na kuchukua elimu ya Kiislamu na walikuwa wanamuuliza kila kitu. Fatimah Zahara alikuwa mwalimu na mlezi hata kwa wanaume kwa kupitia kwa .wanawake

Kutoka kwa Imamu Hassan al Askari (a.s) amesema: Mwanaume alimwambia mke wake: "Nenda kwa Fatimah bint Rasulillah muulize juu yangu, kuwa mimi ni katika (Shi'ah) Wafuasi wao au sio katika (Shi'ah) Wafuasi wao?" Akamuuliza. Zahara (a.s) akasema: Mwambie kama anafanya tuliyomuamuru na anaacha tuliyomkataza basi yeye ni katika Shi'ah (wafuasi) wetu ".vinginevyo hapana

Yule mwanamke akarejea na akampa habari. Akasema: "Ole wangu nani ataniokoa kutokana na dhambi na makosa? Hivyo mimi nitakaa motoni milele, kwani asiyekuwa katika Shi'ah (wafuasi) wao atakaa motoni milele". Mke wake akarejea na akamwambia aliyoyasema mume .wake

Fatimah as akasema: "Mwambie sivyo, Shi'ah (wafuasi) wetu ni kati ya watu bora mno peponi na kila anayetupenda na mwenye kuwapenda wanaotupenda na mwenye kuwachukia maadui zetu na mwenye kujisalimisha kwa moyo wake na ulimi wake kwetu. Sio katika Wafuasi wetu .kama watakhaliifu maamrishi yetu na makatazo yetu

Katika madhambi mengine, wao pamoja na hayo lakini wataingia peponi, lakini ni baada ya kutakaswa kutokana na madhambi yao kwa balaa na misiba au kwa adhabu ya kiyama kwa aina za mateso yake, au katika tabaka la juu la moto wa Jahannamu na adhabu zake, hadi .tutakapowaokoa kwa mapenzi yetu kutoka kwayo na kuwaleta kwetu

FATIMAH KATIKA MAISHA YA NDOA

Bibi Fatimah (a.s) aligawana majukumu ya maisha ya ndoa na Imamu Aliy (a.s) majukumu ya ndani ya Nyumba yalikuwa ni juu yake na ya nje yalikuwa juu ya mume wake. Kutoka kwa Abu Ja'far (a.s) amesema: "Hakika Fatimah alichukua dhamana kwa Ally ya kazi za nyumbani, kukanda unga, kuoka mikate na kusafisha nyumba, na Ally akachukua dhamana kwake kwa .yaliyo nje ya Nyumba kuleta kuni na chakula

Siku moja Ally alimwambia: "Ewe Fatimah je, unachochote? Fatimah (a.s) akasema: Hapana... Naapa kwa aliye tukuza haki yako hatukuwa na chochote tangu siku tatu tunachoweza ".kukukirimu kwacho

?Imamu Aliy (a.s) akasema: Kwa nini hukuniambia

Fatimah (a.s) akasema: "Mtume wa Mwenyezi Mungu alinikataza kukuomba chochote. Aliniambia usimuulize mtoto wa ami yangu chochote, akikuletea chochote pokea vinginevyo .usimuulize

Abu Ja' afar (a.s) akasema: Imamu Aliy (a.s) alitoka akakutana na mtu na akamkopa dinari kisha akarejea nayo na wakati wa jioni umeishaingia, akakutana na Miqdad bin al Aswad akamwambia Miqdad: "Nini kimekutoa katika wakati huu? Akasema: "Njaa, Naapa kwa yule ".aliye tukuza haki yako ewe Amirul Muuminina

Mpokezi amesema: "Nilimuuliza Abu Ja'far Mtume wa Mwenyezi Mungu alikuwa hai? Akasema: " Mtume wa Mwenyezi Mungu alikuwa hai. Imamu Aliy (a.s) akamwambia Miqdad: "Mimi pia njaa imenitoa nimekopa dinari na nitakupa, akampa akarejea akamkuta Mtume wa Mwenyezi Mungu amekaa na Fatimah as anaswali na baina yao kuna kitu kimefunikwa, alipomaliza akaleta kile kitu wakakuta vipande vya mikate na nyama. Akasema: Ewe Fatimah hivi umevitoa wapi? Fatimah akasema: "Ni kutoka kwa Mwenyezi Mungu, hakika Mwenyezi ".Mungu anamruzuku amtakaye bila ya hesabu

Mtume wa Mwenyezi Mungu akamwaambia nikuekeze aliye mfano wako na aliye mfano wa Fatimah? "Akasema: Nieleze, Akasema: Mfano wako ni mfano wa Zakaria alipoingia kwa Mariamu katika mihrabu akamkuta ana chakula, akasema: "Ewe Mariamu umekitoa wapi? Akasema: "Ni kutoka kwa Mwenyezi Mungu hakika Mwenyezi Mungu anamruzuku amtakaye .bila ya hesabu

كلما دخل عليها زكريا المحراب وجد عندها رزقا قال يبرئ من الله إن الله يرزق من يشاء بغير حساب 3:37

Mtukufu Mtume Ally na familia yao wakala chakula hicho kwa muda wa mwezi mmoja nacho .(ni chakula anachokula Al Mahdi as nacho kipo kwetu (Ahlubaiti Rasulallah

Kwa kweli Fatimah as alijitahidi kumridhisha Mwenyezi Mungu kupitia mume wake hadi Imamu :Aliy (a.s) alisema siku Fatimah as alipofariki na kumzika

اللهم إني راض عن ابنة نبيك اللهم إنها قد أوحشت فأنسها

Ewe Mwenyezi Mungu mimi nimemridhia Fatumah bint wa Nabii wako. Ewe Mwenyezi hakika .nimemuacha peke yake kuwa naye karibu

.Fuatana nami sehemu ya tisa ya historia ya Maasumah Fatimah bint Muhammad saww

:Rejea

Uyunul Akhbar UK 233

.Kanzul Ummal Jz 6 UK 152

.Mustadrakul al Wasaail cha Mirza an Nuriy Jz 13 UK 25

Tafsirul Ayashi UK 171 na 172

.Al Khiswal cha Sheikh Suduq